

ادبیات کمونیستیه شوروی

هفته‌لق سیاسی ، ادبی و علمی غزته‌در .

جلد : ۱

سنه : ۱ ۲۲ جادی الآخر ۱۳۳۵ جمعه ایرتسی ۱۴ نیسان ۱۹۱۷ نومرو ۲۴

بر یالانک تاریخی

کمال حرمتله شکری بلک افندی به

اتصادفک تحف بر تجلیسیله ، تورکیه‌نک تاریخ تشکله و انحطاطنده آمریقا بویوک بر رول اوینامش ، وبرکره موفقیت ، برکره‌ده فلاکت کتیرمک شرطیله ، بر جدید ایکی دفعه مقدراتمزه تأثیر ایتشدیر : اسکی دنیانک اسکیدن بروحدتی واردی ، و بو وحدت‌ده ، خرس‌تیانلنی تهدیدایدن هر ته‌لکه‌یه قارشی ، پاپانک بردنبه مادیلشن حاکمیت معنویه‌سی آلتنده تجلی ایدردی . اوزمان آوروپانک بو خرس‌تیان هیئته کیم هجوم ایتشمسه ، بو وحدتک قارشیسنده درحال انحلال ایتشدی . فقط اون بشنجی عصر کلنجه ، وجدانک ره‌فورم اسمنده کی مختاریتنی‌ده برابر کتیردیکسندن ، بیزانسی استانبوله تحویل ایدن تورکه قارشی اسکی وحدتی‌احیا ایتک‌ایستین پاپالرک هر وعظی و بوتون نصیحتی بیهوده‌قالدی ؛ زیرا کلیسا انقسام‌ایتمش ، نفوذی اکیلمش ، و ... برمدت صوکره‌ده ، آمریقا کشف ایدلمشدی : اکر مقصد یرسه ، یکی دنیا بوم‌بوشدی . جنویزلر ، اسپانیولر و پورتیکیزلر ، بو سبيله ماورای اوقیانوسه آقین ایتدیلر . میراثه قونارکی ، کیتدکجه هان هرملت یکی قطعه‌ی استملاکه قوشدی ؛ اکر آوروپانک بو ترقی واستعمار احتیاجنک ابدالرنده میدان بر آمریقا چیقماسه ایدی ، عثمانلی تاریخی بوس بوتون باشقه بر شکل آلاجقدی ! بوتون غربک شرقه ، واولا شرقک اوک قسمنه آتیلداسیله ، آسیاده بر آمریقا تاریخنک جریان محققدی ! ... ایشه ، آمریقانک عثمانلی تاریخنه بر خدمت شکلنده اولان برنجی تأثیری بودر .

ایکنجی تأثیری‌ده ، ایکی یوز برقاچ سنه صوکره ، اون سکزنجی عصر ایچنده تظاهر ایدردی . اوزمان روسیه تأسس ایتمش ، واونک برأ اولان مساعیسنه ، آمریقادن آرتق دونلرده بحرأ اشتراک ایتشدی ؛ چونکه یکی دنیانک‌ده ملتربله حکومتلری شکل ایدهرک آوروپالیرلی قوغدقدن صوکره ، آرتق آرقالرندن قاپولرینی قاپامشلردی . بو سبيله انکلتزه ، هولاندا ، فرانسه و اسپانیا کی دول بحریه ، آسیاده استعمار ایدهرک جزائر و شبه جزائر تحریرسنه چیقیدیلر . بزده یوللرینک اوستنده دوریوردق : بوندن دولانی ، آمریقا باشنده کیلری اوستمزه آتمش اولدی .

بعضاً دوغرودن دوغرویه مجادله شکلنده تظاهر ایدر : بوغازلری آلماق ایستر ، قره دن قازاقلری ، دگزدن کیلری سالار ؛ نهایت امیدنی کسر و دور ، . شدتدن صوکردهده ، سیاسته باشلاردی : بزه دوست اولق ، بزی وقایه ایتک ایستردی !

ویقتور قوچو بک ، خنکار اسکله سندن اوتوز بر سنه اول ، چار آلکساندره تقدیم ایتدیکی لایحه ده ، شرق مسئله سنی حل ایچون ایکی چاره کوستریوردی : برنجیسی تورکیه نك تقسیم ، ایکنجیسی تمامیتنک محافظه سیدی ! بوندن برمدت صوکره ، ایکنجی سیاست ، خنکار اسکله سنده تطبیق ایدلدی . بو صورتله روسیه هم مدعی ، هم مدعی علیه وکیل اولمشدی ! ایشته تمامیت ملکیه دستوری بویله ظهور ایتدی ؛ انتشارینه ده بوکا بکزر بر سبب واردی : بردنبره بوتون آوروپا میدان چیقدی ! هپ بر آغزدن : - بزه تورکیه نك بقاسنی ایستیورز . بزه قره دگزک سدینه طرفدارزا ! « دیورلردی ؛ فقط بوندن مقصدلری بزه وحقه اولان محبتلری دکل ، بلکه بزی روسیه نك الیه بر اقوب کندیلرینک آچیقده قالمالری قورقوسیدی ! ایشته آوروپانک صرف اوفکر منفعتیله ، تمامیت ملکیه اساسی ۱۸۴۰ تاریخنده کفالت مشترکه آلتنه آلمشدی . تاریخک جریاننه اولان درجه تأثیری ایسه ، اوندن صوکره تعاقب ایدن حادثاتک وطنمزه کی تأثیراتیه متناسبدر .

بوگون دول معظمه دن هیچ بری ، تمامیتنک باشقالری طرفندن تکفلنه مساعدده ایتز . مثلاً آلمانیا نك تمامیت ملکیه سنی هانکی دولت تأمین ایتشدیر ؟ بو کی تأمینات ، ضمناً اسناد ضعف ایتک دیمکدر . هر حالده سلیمان قانونی زماننده تمامیت ملکیه سنی تکفله جرأت ایده جک بر حکومت یوقدی . بر دولتک موجودیتنی باشقه دولتلر دکل ، آنجق منسوب اولدینی ملت تأمین ایده بیلیر . صوکره محاربه ده اثبات ایتدی که ، دنیا ده عثمانل تمامیت ملکیه سنی تکفل ایده جک تک بر حکومت وارسه ، اوده آنجق حکومت عثمانیه در .

اسماعیل هامی

فطری وجبلی ملیت ، کسبی و صناعی ملیت

اخلاق علم ویا فننک تدوین ایدیلرک تدریسی قدر زائد - وحتى مضر برشی تصور ایده مم . تخلق ، ذهن و دماغه دکل ، سجهیه ، روحه تعلق ایدر . بر انسان قواعد و دساتیر اخلاقیه یی بیلدیکی ایچون دکل ، فضائی اعتیاد ایدندیکی ، مزایانک کندیسنده غیر شعوری بر صورتده طبیعه داخل اولدینی ایچون اخلاق صاحبی اولور .

معاشر مدنیه داخلنده یتشمش بر چوق جانینک اخلاق قاعده لرینک جاهلی اولدقلری تصور اولونه ماز . بونکله برابر بونلرک ارتکاب معاصیده قصور ایتدکلری یوقدر .

خلاصه ، اخلاق علم ووقوفه دکل ، تربیه یه تعلق ایدر . تربیه نك ایسه تتبع ایله مناسبتی یوقدر . تربیه بدیعیه و ادبییه ده بویله در . بر انسان منحصرأ سعی و مطالعه سایه سنده بیوک بر ذوق صاحبی اوله ماز . طبیعتده شاعرک اولیان بر آدم بتون عروض و قافیه قواعدینی ختم ایتسه ینه پایه شاعریته احراز ایده ماز .

اداب و قواعد و معاشرتک تدریس و تعلیمی ده بلکه فواید دندر . Savoir - vivre علمنه دائر بر کتبخانه طولوسی کتاب اوقویان و شوقدر وارکه طبیعتده غلظت بولونان بر کیمسه مناسبات

اجتماعیه ده حالا صولاق قالیده تربیه سی، یرادیلش ویاشایشی اعتباریه اصیل اولان برذات اداب معاشرت علمنک بلکه اسمنی بیله بیلمدیکی حالده پک ادیب ونزیه، پک ظریف ونجیب اوله بیلیر. تلفظده بویله در. [مبحث الصدی] ده بیوک مهارتی اولان برعالم اکثریا اعتیاد نتیجه سی اوله رق بعض حروف وکلماتی یا کلمش سویلر و او قورده Phonétique فننک وجودندن خبری اولیان بر شهر جوجنی فصیح و دلنشین برلسان تکلم ایدر.

صنی وکسی اخلاق، صنی وکسی آداب غریب، بناء علیه جعلی، ونا مستقر اولور. بونلردن فائده بکلنمه ملیدر.

ملیت پرورلک، دیانت پرورلک، تقوی ده هپ بویله در. بونلرده علم ووقوفه دکل، روح وقلبه، منطقه دکل، خلق واعتیاده، طبیعت وضاچه تعلق ایدر. ملیتک کسی و صنعتی ساخته در. ملیتک یکیسی هیچ اولماز. بدایتی معلوم اولان، تاریخی اولیان نظریات مراقلیرینک، حتی متنفذانک حجره مساعیلرنده اختراع ویا ایستدکلری شکلرده اراثة ایستدکلری ملیتله بیلدیکمز معناده ملیت دکلدر.

ملیت برکیت کیمیویه عد ایدله ملیدر. وسائط عصریه وحاضره ایله بر ملیت ترکیب ایدیلده هنر. روم ایلی هائله سندن اول ما کدونیا ده پروپاگاندا سایه سنده ملیتلی مشکوک، وجدان عرقیلری ناهم، هویت عنصریه لری مجهول برطاقم مخلوقات جوار دولتر برر شکل ویرمک ایسته مشلردی. بونلر هیچ بر وقت صرب، یونان، بلغار، رومانیا لی اوله مدیلر. فرانسزجه کوزل بر صیغه نک تطبیقی ایله bulgarisant, roumanisant, grécisant, serbisant اولدیلر !

ملیت ناشعوری، خلق، طبیعی، فطری، جبلی اولقی اقتضا ایدر. رأی ومطالعنک، حتی آرزونک بیله ملیتله علاقه سی یوقدر. برانسان، منفعت، تبدیل تابعیت، حتی تمایل سوا ثقیله ملیتنی دکشدیره بیلیر؛ لکن عرقنی تبدیل ایتک ید اقتدارنده دکلدر. او فردک تعاقب دهور ایله آنجق ذریتی ملیت جدیدیه قطعیتله نمل ایده بیلیر، کندیسنک دونه لکی دائما ظاهر وهویدادر.

ملیتده انقلاب اولماز دکل، اولور. لکن بوانقلابات بطی اولمدجه مؤثر دکلدر. بخارقوتیه وقوعه کلن تحولات قارکی آریر. یالکمز، بوتحولاتک عکس العملی وجدان ملیتی تغشیش ایدر. بوا یسه خطرنا کدر. هیچ بر حقیقی ملیت پرور، کتاب آچهرق، قیاس منطقی قوتیه ملیت پرور اولمش دکلدر. ملیت و ملیت پرورلک کله لرینک فضله استعمالی بیله مضر در. بونلرک تکراری اس ملیتک تناقصنه دالدر. دیانتی برکمال اولان بر جماعتده دینسزلک علیهنده تدابیرده بولونمق نصل ممکن دکلسه، ملیتی بر قوام اولان بر هیئت داخلنده ده ملیتجیلک [شو تعبیرک استعمالندن طولایی قارئلرک عفویخی استرحام ایدرم] ایتک زائدر. اک بیوک ماکثر ملیت پروری بی ایفا ایدن ملل، بونظریه لر دن بی خبر درلر.

Nationalisme کله اجنبیه سیله افاده ایدیلن مسلکک رواج بولدیغی برلرده ملیت فیکرینک

که وشه دیکی بر حقیقتدر.

بالخاصه خلقی [ناسیونالیست] و [غیر ناسیونالیست] دیه ایکی یه آیرمق بر فلاکتدر. ناسیونالیزم بولتیقه سی ثنائیتی افاده ایتکله یکی بر تفرقه تشکیل ایدر. بناء علیه ناسیونالیستلر، اجتهاد لر یله فایه ومقصد لرینک معکوسی نتایج دسترس اولورلر.

حقیقی ملیت پرورلک بونلرک پک فوقنده در و پروپاگاندا دن وارسته و هر حالده مزهدر.